

書
古
文
訓

書古文訓卷第七

永嘉薛季宣

泰斲

惟十十式季晉大𡵓𡵓盟離王曰嗟我友耑冢商越
戎馭豈厯士明聽斲惟天鑒万物父母惟人萬物主
需亶聰明迄元后元后迄𡵓父母今爾王衆亞斲上
天𡵓𡵓丁𡵓沈湎冒色教行競獻辜人𡵓矣官人𡵓
𡵓惟宮室臺榭陂池侶舳𡵓殘害𡵓𡵓萬姓焚炙忠
臣剝份媮婦皇天震怒命我友耑將天𡵓大勛未
集歸子小學發𡵓𡵓友耑冢商觀政于爾惟衆𡵓大
悛心𡵓𡵓𡵓𡵓上帝神示遺𡵓先宗廟亞禋犧牲

棗盛无亏凶盜幽曰與大民大命宅懲元侮矣佑丁
民迭出而迭出帝惟元亨昧上帝寵嬖三亡大臯亡
臯子害敵大越手忠同力庇惠同惠庇訟衆大臣傳
萬惟億萬心予大臣式干惟弋心爾臯貫盈矣命戕
止予亞順天手臯惟纂予小子夙夜祗懼衆命文王
曾亏上帝玄亏冢土呂亦大勗底矣出罰矣矜亏民
民止所欲矣必勿止亦尚強予弋人留清三棄皆才
亞可失

書序作十一年泰誓作十三年二者必有一誤說
者謂虞芮質厥成爲文王受命稱王之歲引九年

大統未集爲文王崩於九年武王伐紂之十三年
爲通數文王之年案孔子稱文王能服事殷有君
人之大德有事君之小心以無臣爲有臣謂之欺
天文王之未嘗稱王明甚書云九年作西伯之後
爾自古未有嗣君通數先君之數者書十三年武
王之十三年也友邦同好之國也冢君凡有冢土
者也御事百執事也庶士諸軍也萬物之生莫不
亶天地之性人爲物中之貴以靈於萬物而能輔
相財成之也誠有聰明之主可以代天理物則可
以長人而爲民之父母商王慢神虐民荒於酒色

恣爲威虐之政則何以代天而子民乎古有世爵
無世官罪人不孥故父子兄弟罪不相及官人以
世非復惟其賢也罪人以族延及於無辜矣窮竭
天下以奉淫侈之好其罪已大至忠賢之炮烙胎
孕之刳視天理滅矣文王之作固天之厭商而建
其代德武王戡黎觀政以成文王之事倣以天之
威罪猶庶幾乎改之紂乃安處不悛方謂祀之無
益容民盜其犧牲棄盛而稱其有命在天不以有
侮爲戒無道日甚可不致天之罰乎天置君以爲
民師所以佐佑之也君師之職財成天地之道輔

相天地之宜以左右民而使天下舉安者也是故
秩有德爲天命誅有罪爲天討有罪無罪皆天而
不人其厚薄輕重固不可高下其心而有錙銖之
差也料敵之法力均校德德均校義以紂之惡不
德不義雖有天下之衆人各有心周財有三千人
皆無貳志力之不等德義固不侔矣度德量力固
兵家之至計明紂之無助所以用其人也商周之
不敵不待乎量力而慮武王大勇如是寧有意於
淫商乎紂罪貫盈受天命而誅之人心不謀而同
所以爲代商之德也貫盈滿極也惡極當討而不

討非所以奉天也不順乎天不應乎人而惟惡德之存是亦天之罪人也受命文考猶唐虞之禪受終受命之事蓋始王也類上帝之祭也冢土社也宜社之祭也即位而後伐商所以代天行討也湯武既王而後征伐君臣道絕而後可以討辜人也天道不可見因乎人心而知天明畏自我民明威視聽在人昭假如響是謂惟民之欲爲天之矜民也永清四海與天下更始也除其凶德而後海宇寧一所謂永也紂存一日天下有一日之害一時有一時之害時不可失恐其貽害也秦古太字受

古紂字孟津在河陽溫縣界

惟戊午王次于河脾羣后曰帝畢矣王曰殉帝而斷
曰寤庫鹵土大勗咸聽朕○戎○耆吉人爲○善惟日○亞
足凶人爲○亞○善亦惟日亞足今商王○最力行亡○庀○習
弃犁老尼比○皐人至○酤○歸○獻○臣○下愧○止○壻○寡○廷○仇○齊
權○昧○威○亡○骷○顙○矣○戴○惠○彰○耆○惟○矣○憇○民○惟○侯○奉○矣○大
憂○堊○亞○亨○樂○矣○汙○割○下○貳○矣○專○右○命○咸○湯○各○黜○豈○命
惟○最○皐○浮○于○堊○川○卷○元○良○賊○獻○諫○補○胃○正○大○矣○命○胃
款○亞○足○行○胃○祭○亡○蒜○胃○越○亡○易○年○鑒○惟○亞○遠○至○彼○豈
王○矣○元○呂○予○以○民○朕○膠○叶○朕○下○戡○云○休○祥○戎○爾○必○亨

三百六十七
衆大僇州人離心離惠予大國臣十人同心同惠
雖大周窺亞如志人天眚自我民眚天聽自我民聽
百姓大過圣予弋人今朕必徃戎武惟敷侵于土曷
取彼凶殘哉伐用張于湯大茨勛才夫罕害或亡罍
寧執非敵百姓衆衆若崩耳角竊庫凶弋惠弋心立
定耳珍惟亨衆立

河朔河北也羣后畢會大合諸侯之師也西土有
衆并言諸侯之師曰西土者三分有二之衆西伯
之所統也殉師而誓揚言之告也善惡之辨吉凶
之所分也故君子喻於義小人喻於利皆孜孜而

不知其足故孔子稱川流於誓者也紂弗考老舊
有位人而爲天下逋逃主萃淵藪沈酗于酒敢行
暴虐雞鳴而起孜孜不怠臣下化其無庀莫不姦
宄草竊是好迭分朋黨怙其威權相爲讎敵無辜
之人罹其凶害籲呼上帝而其穢德遂以彰聞天
道依人而行故以人爲視聽夫人無非天膺天亦
愛之如子人君愛民所以奉天夏桀之亡惟以率
割夏邑率遏衆力流毒四國而天以湯代之紂之
所爲又非其比元良善士則剝喪之使人無復善
意諫輔正救則虐害之使人無復敢言不畏於天

不敬于人不事天地宗廟而爲炮烙刳斮之刑安而行之無復畏憚罪過於桀故天將以武王代之參之夢寐而夢寐符卜之元龜而元龜吉知天意之所在故誅紂而無疑也夷人猶齊民也民方謂天之不降威何有戰意周之謀臣十人皆天下之望也齊心比德何夷人之敢當邪周至也至親不如仁人況億萬離心之不敵乎天之依人於此可見紂之罪浮于桀武王之伐光于湯侵商以取凶殘此必往而無戰之道也天子不取反受其咎武王身任天下之咎固所以事天也臨事而懼好謀

而成孔子謂行三軍之道毋以商人爲不足畏而
憂億兆之非敵懷懷危懼恒如折角於人以此行
之持勝之道然也二人同心而利斷金況三軍心
德之同乎功之立成以有永世于後不成身死而
家亡矣武王誓師常言心德之同者同心所以勝
敵同德所以相親心德之同所以爲不可勝也

昔年明王與大猷六帑明斷勅士王曰解庠戒鹵土
商半天下羃衛身帥惟彰今商王殺狎侮又虐荒怠
引穀自鹽于天結印于民戢翰蒙止脛剖取人止心
廷畀繼翦割痛三棄富仁是回放黜幣采屏弃箕剴

囚攸正士郊禋亞攸宗廟亞喜迨奇技至巧呂允矯
人上帝亞順祝各皆登亦元筭筭奉予弋人冀行矣
罰古人乃曰攸哉則后獻哉則屬獨夫殷辨惟迨
置傳女姁屬對惠務滋除亞務本歸予小學挺呂亦
翊士尸穢傳屬亦翊士元尚迪果忍呂登傳侯彤多
大厘賞弗迪大顯翊寢序惟哉亦若日月止照臨
茨于三亡顯于幽土惟哉大周挺殷多亡予言殷非
予武惟殷亦亡辜殷亦予非殷亦亡辜惟予小
學亡也

厥明戊午之明日也大巡明誓躬履行陣而誓之

也顯道昭然可見者用罰伐厥死用德彰厥善厥類之惟彰也五常仁義禮智信狎侮五常不畏天命也天不絕人人之得罪於天蓋自絕也荒怠于德是謂不敬結怨于民蓋自絕于天也斲脛剖心雖作威殺戮之一事觸類皆然其毒病于四海矣橋梁壞而後有朝涉紂斲其脛賢人者天下之望而紂剖其心率是而言其無所不至也崇信姦回則小人道長放黜師保則無復善道屏弃典刑所以力行無度囚奴正士乃其敢行暴虐謂祭無益故棄神示宗廟弗祀婦言是用故爲技巧取悅此

紂所以致天之罰孜孜不怠所以行天討也民無常懷懷于有仁是故撫之則后虐之則讎大爲淫威乃民卒世之讎也孟子說賊仁者謂之賊賊義者謂之殘殘賊之人謂之一夫寡助之至親戚畔之也樹德務滋欲廣其德也除惡務本欲絕其害也殄殲乃讎則務本也以登乃辟則務滋也果必也穀確也道果穀以登辟使德加于四海所以爲樹德厚賞顯祿所以勸功而勉不怠刑賞三誓而後及者深入商境始以軍法莅之也文王明並日月光被四表見于西土周之所以得天下克紂固

文王之道也武王繼文王之事安敢有文王之功
文王得天下而武王失之謂己有不善爾武王自
以戎商必克而有克予之語凶器危事寧執非敵
之意耳

毋斲

昔命孚昭奭王翰皇于爾郊毋桡毋斲王左杖斧伐
右秉白旄呂麾曰揚矣鹵土山人王曰嗟我友蚩冢
商馭豈司徒司梟司空亞茲幣氏千夫允百夫允及
盲蜀毳髯斂纒彭濮人冉介戈比介干立介矛予元
斲王曰古人力口曰牝雞亡晨牝雞亡晨惟冢山索

爵也武王已王而猶三卿師不可益也亞次也亞旅師氏旅帥師帥以次掌兵者千夫長并將兩旅者百夫長卒長也周制五人爲伍伍有長五伍爲兩兩有司馬四兩爲卒卒有長五卒爲旅旅有帥五旅爲師師有帥五師爲軍軍有將書序牧野之戰蓋戎車三百兩虎賁三百人司馬法戎車一兩則馳車革車各一乘輕車甲卒三人士七十二人輜車二十五人戎車一兩凡有卒士百人三萬之衆而三卿爲之將以千夫將并將二旅之衆損益隨時以便於事而已泰誓上言有臣三千指言戰

士之長獨言將馳車者甲卒伍長三百乘則三千人也亂臣三公六卿其一婦人孔子以謂九人而已十人名不可得先儒傳會之說不敢從也虎賁即周官虎賁氏所將虎士王之營衛者也泰誓先諸侯而次周師以及西土諸夷重諸侯之師詳內而略外內中國而外夷狄備書遠人邇不在言也庸在今房州竹山縣濮不一種左氏傳所謂百濮舊說在建寧縣今江陵石首縣界然今合州自有濮水前世羣蠻處之又雋州蠻有濮夷者巢居有尾武陵諸蠻亦然則荆梁諸蠻皆百濮也蜀今蜀

部以岷山得名已今渝州羌析支昆侖之屬髡髽
牛夷種在黎萬州界盧以廬山得名在雅州廬山
縣彭亡聚在眉州彭山縣古彭祖之邑也微水蠻
在唐姚州徼外戎州羈縻有微髡二州鉞斧也旄
麾戎戟也干盾也矛槍稱舉也比以次列也立卓
之也把鉞秉旄以爲軍中號令舉戟排盾卓戈而
聽之臨陣誓師三令五申之禮也逖遠也稱其師
役之遠蓋所以勞苦之稱西土所以自別於商也
占書牝雞之雉爲家破之象婦人與政猶牝雞之
晨也郊社不修宗廟不享是爲昏弃常祀不答

咈其耆老放殺三仁是爲昏棄厥遺王父母弟不
迪崇信姦回昵比罪人是爲逋逃主萃淵藪以爲
卿大夫士則固崇長信使之也卿士師師非度而
好草竊姦宄用乂讎斂是其毒逋于四海者周法
五尺爲步步以齊其進退伐擊刺也擊刺所以攻
擊進退不過七步擊刺不過七伐動必以法齊必
有止嚴重堅整先爲不可勝者陳法之用爲軍旅
之容也桓桓武也虎貔熊羆以譬其猛也夫戰孔
子所慎陳法嚴而後武猛可用湯武仁義所以爲
無敵於天下也迓迎也能奔我者無事迎擊所以

開其生路荀子所謂奔命貢而不獲者以役西土
使有分隸離其支黨而後可與戮力也兵法得車
賞先得者更其旌旗車雜而乘之卒善而養之謂
勝敵益強蓋武之道也勗勉也不勗不恭之謂也
武王數紂之過至牧野之誓然後益簡而嚴二軍
相當不在乎多言也疏其大罪以底天之威罰言
非簡易不足以明民也司馬法有虞氏戒於國中
欲民體其命也夏后氏誓於軍中欲民先成其慮
也殷誓於軍門之外欲民先意以待事也周將交
刃而誓之以致意也觀於禹征六誓辭之舒緩迫

切四代因時之誼爲可知矣軍禮三軍之戒無過
三日收誓之謂乎

武威

惟弋月壬辰蒞蒞並粵翌日癸巳王翰步自周于延
代商年三月才生明王徠自商望于彗幽匿武攸亥
婦泉于攀山止易放牛于桃林止壁示天丁亞舩丁
未禋于周廟畝甸戾衛駿犇走執豆籩粢式日庚戌
崇皇大告武威无生並歷畝冢商泉百工衆命于周
曆法死魄朔也生魄望也生明即死魄也旁近也
哉始也旁死魄月二日也哉生明月一日也既生

魄十七日也翼日明日也曆法以月起周書先書
朔望猶春秋之舉四時逆而推之千歲之日可
坐而致聖人所以謹天時也曰厥四月自一月數
之也四月不日非一日之事也豐文王都在京兆
鄠縣華山之陽今蜀漢地桃林塞在華州華陰縣
周禮圻外九服侯甸男邦采衛蠻夷鎮蕃獨言甸
侯衛者內自侯甸遠及衛服記事之法詳遠以錄
近也駿奔走執豆籩助祭也柴望并祭天地也受
命始號令於天下也湯武還都而後大告天下待
諸侯之至也其先廟後郊者告至于廟而後告成

于天也書序武王伐殷往伐歸獸識其政事作武
成自一月皆往伐事至豐而下歸牛馬祀郊廟誥
諸侯皆偃武修文事合而言之皆其政也歸馬放
牛就牧也馬牧遠在蜀漢而猶歸之者示無復乘
車之意也當紂之時諸侯同惡者衆武王勝殷代
紂同惡懼矣放牛歸馬所以安之也安之使懷待
其遷善柔服之道武王所以一之也常武之詩曰
徐方不回王曰旋歸說詩者謂宣王之常德立武
大武之詩曰勝殷遏劉耆定爾功蓋武王以遏劉
爲功武成而不窮瀆其兵故修文而天下服也

王若曰緝序羣后惟先王建蚩启土公劉亨竺并劉
望于大王庫王迹王季丕勤王家成于王
成耳勛庭膺天命曰改元憂大蚩豈元力小蚩哀元
惠惟九季大統未集于小學丕承耳忠底爾山畢告
于皇天后土所過名山大川曰惟大衛曾孫周王發
將大正于爾今爾王衆亡衛越于天物害獻烝民
爲天下逋逃主萃困藪于小學无獲仁人教祗承上
帝呂遏爾略孽夏蠻貉它亞衛俾龔天威命繇于東
延媛耳士女惟元士女斐耳。冬昭哉周王天休震
運甫附哉大邑周惟尔大禮尚亨昧于呂漁州民亡

廷禴羞无戊午帝俞盟離茲亥敷于爾郊祀天休命
命孚昭爽衆衛元衣若林兮毋墜它大敵于戎帑
奔廷倒戈攻于後呂北血汙漚杵式戎矣天丁大正
粵反爾政政繇舊醴兮囚豎焚干基式爾公問散
鹿臺止財發巨橋止粟大賚于三棄而万姓允舛刈
麇惟不分土惟武建官惟取位豈惟耐重民不教惟
食粢祭懍伯明詔宥惠報彤墀拱而天丁糺

先王后稷也公劉后稷之曾孫大王文王之祖即
古公亶父也王季文王父季歷后稷事見虞書史
記堯封之有邵詩有思文之頌史記公劉能修后

稷之業大雅有公劉詩曰篤公劉匪居匪康于豳
斯館大王避狄之難去豳居岐而民從者如市故
綿之詩序謂文王之興本由太王皇矣稱王季曰
帝作邦作對自太伯王季惟此王季因心則友則
友其兄則篤其慶載錫之光受祿無喪奄有四方
維此王季帝度其心貺其德音其德克明克明克
類克長克君克順克比比于文王其德靡悔旣受
帝祉施于孫子稱太伯之至德謂三以天下讓而
民無得而稱觀美周之詩歌王季之事則泰伯之
讓王季之受不可以常道論亦聖人之事也紀年

孔叢子皆稱王季在武丁太乙帝乙之世有讓戎狄之功作牧居程九命作伯其勤王家如此文王三分天下有其二以服事商孔子謂之至德雖存商不取固已受天命矣大邦畏其力無敵於天下也小邦懷其德安之也小大懷服撫方夏以受命于天也大統未集商未可取而不取之也武王自謂成文王之志則文王之不取武王之取皆從天人之意當取而取實文王之意也有道曾孫見周之世世修德以有道伐無道即所謂大正也無道謂敗亂厥德於下暴殄天物謂狎侮五常害虐烝

民謂敢行暴虐逋逃淵藪謂四方之多罪逋逃是
崇是長也仁人周之多士也以遏亂略勝殷遏劉
也恭承天命華夏咸若也東征以綏士女伐商以
安民也篚玄黃以昭周王鄉周之明迎王師也人
心如許而猶望天之震動不敢有其德猶庶幾乎
鬼神之助古人盡己盡物之際其已盡矣神羞事
敗也濟民而弗之相亦神之恥也自旣戊午武王
敘克商事以克商後事繼告天事終言濟亂之政
即武成之義也紂旅若林喻其盛也攻後以北商
人自攻其上也杵兵之無刃者漂濺也濺血至於

染杵言反鬪之力也舊說謂血流漂杵謂血可以
浮杵而孟子之言曰吾於武成取二三策而已以
至仁伐不仁以至義伐不義何其血流之漂杵孟
子以仁義說當世之主不以其辭害意後世不求
其意未之思耳兵家蔚繚子稱武王不疲士民兵
不血刃而克商誅紂見漂杵之非周也一戎衣甲
冑之服不再舉也舊說觀政以爲十一年事伐商
爲十三年事未之考也及政由舊不事乎改作也
囚箕子則釋之殺比干則表之商容不用則式其
閭仁賢天下之表儀故武王先反之也鹿臺紂以

聚天下之財鉅橋紂以聚天下之粟散財發粟以
賚天下百姓之所以悅服也聚者猶散其復反聚
之邪散其積聚以還暴橫之征代將來之賦始發
而散非一日盡散之大賚所及之廣見武成者
皆是非專財穀之散商書所謂予其大賚汝者也
鹿臺在朝歌城中鉅橋在洛州曲周縣列爵之五
公侯伯子男也建官惟賢不以世也位事惟能不
以回也官大官也事庶官也賢者在位能者在職
或坐而論道或作而行之也五教虞書五典也食
政之本也喪祭事之大也四者國之大政不敢輕

也紂之夷居廢祀不迪王父母弟厚於積聚則皆
滅棄之矣重此四者亦反商之政也惇信明義順
天伐紂之事崇德報功建官分土之事信義立而
天下順功德報而天下懷垂衣拱手而天下治無
餘事矣反商由舊之政大賚垂拱之事自釋箕子
而下萬世通道紂失之而武王反之出而勝殷所
以爲武成也以垂拱之治終武成之書者亦偃武
修文之意云書序稱武王殺紂而書無一語第云
攻後以北則紂非武王之殺其死有由矣觀於桀
放紂死則湯武之放弑因乎天而順乎人桀紂罪

有淺深非湯武之所能爲也漢儒信尚書今文謂紂自殺武王親以黃鉞斬紂懸之大白之旗其說太甚荀子稱牧之野鼓之而紂卒易鄉遂乘而進誅紂殺者非周人因殷人也賈誼書曰紂將與武王戰陳其卒伍左億右億鼓之不進皆還其刃顧以鄉紂走還寢廟闕死棄其尸于王門之外民皆進蹙之武王使人帷而守之觀者塞帷提石之者猶未肯止其言略與書合最可信觀商人之怨紂雖欲如桀之放其可得乎邵漢棣縣今京兆武功也邠州三水縣岐在鳳翔扶風縣程在京兆咸陽

縣

書古文訓卷第七

後學

成德

校訂

書古文訓卷第八

永嘉薛季宣

鴻范

惟十太武禋王訪于箕子正曰曰維維庫庫箕箕惟惟天
會會隲隲下民下眎眎叶叶年年居居戎戎亞亞知知元元彝彝倫倫貞貞敘敘箕箕子子貞貞
曰曰戎戎脊脊聖聖咎咎戢戢聖聖惟惟水水汨汨敷敷元元丕丕行行帝帝貞貞震震悠悠
亞亞昇昇惟惟范范九九曰曰彝彝倫倫貞貞殛殛戢戢荒荒命命貞貞享享興興天天貞貞
錫錫命命惟惟范范九九曰曰彝彝倫倫貞貞敘敘

十有三祀箕子之十三年也書序武王勝殷以箕
子歸作洪範春秋之法書以歸者皆強之也史記
武王封箕子於朝鮮而弗臣武王固不敢臣箕子

矣未封之前猶有箕國箕國猶以商祀紀歲洪範之主箕子以見其未始爲臣也武王封于蕃畿之外蓋成其志耳先儒謂改周年爲祀以存箕子于商唐氏武德之元而稱隋之開皇可乎箕在太原太谷縣朝鮮今高麗國也書云王訪箕子猶虞之詢四岳即問于彼故謂之訪其書記者亦訪箕子之意訪對皆曰乃言者道之所在不敢輕也勝敵得其父師能先師問以道武王所以大過人也箕子之告道之所當傳也天之陰隲下民相協厥居人受天地之中以生而又有以厚其生也彝倫天

常也代天而王所以序天常也五行在天地間最大且著生生之所資也五物雖以資人亦資人以成水潤下者也由地中行則得其性爲隄防以捍其患豈水之性也哉鯀之墮之隄防之謂也今鯀隄在大名平原安陽界以捍孟門兗州之水此鯀墮水之迹禹功始於壺口鑿孟門治梁岐以無事治之而成九載弗成之功其故非他鯀墮之而禹行之也近世河患最大而治之爲尤難皆鯀之術也以鯀而不成績用況下鯀者乎五行非一也埤洪水之汨五行何也水滔天而金木土火之用皆

廢繇一人之汨亂五行之所陳者因胥失其性矣
彝倫之敘與數在物性之正不正畀不畀在天人
之順不順繇殛而禹興也豈私也哉洪範大法也
九疇九類也武王彝倫之問箕子洪範之告洪範
所以敘彝倫也舊說天以龜書爲賜非敢知也在
易河圖洛書皆地之理龜龍之說無非鳥獸之文
易象則然非畀禹之意也書言天錫天命多矣寧
諄諄而命之乎如以龜書爲天之畀禹九疇則古
今之受畀者寡矣欲神聖人而流入於怪非君子
之道也

初式曰丕行次式曰敬申丕豈次式曰農申八政次
三曰叶申丕紀次丕曰建申皇極次六曰乂申式惠
次七曰明申乂疑次八曰忘申歷數次九曰實申丕
福豐申六極

九疇其八言用五行不言用者五行天產之物非
人之所能爲也其不言用待八者之用而五行用
之也箕子論五行之汨亂汨作爲洪範之敘數天
生物而不能自用待人之財成輔相然後成其用
爾亦敘也九疇賴以爲用亦所用以敘九疇也彝
倫攸敘九疇之用盡矣九疇之敘始於五行萬物

之本也次以人事人治物者也次以邦政政理人者也次以曆紀合天人之際也中建皇極九疇之所由敘也次以三德德所以成道也次以稽疑人謀盡而鬼神之情可見也次以庶證參天也次以福極歸之天也

式五行式曰水式曰火式曰木三曰金式曰土水曰潤下火曰炎上木曰曲直金曰剝革土爰稼穡潤下
從鹹炎上從苦曲直從酸剝革從辛稼穡

天有五氣在物則爲五行潤下炎上曲直從革稼穡爲五行之性於土猶言爰稼穡者食爲日用最

急土功之著者也。因土性而施稼穡之事，則凡地力之政五行之用，必須人以成之也。五味亦五行之性也，有是性則有是味。萬物之衆，未有無其性者。各隨所稟而偏得五行之性，品味之所以不同也。五行陳而洪範敘，孰有不待五行而生且成者？式又豈弋曰：見弋曰：弋曰：眎三曰：聽又曰：息。見曰：龔。龔曰：勿眎曰：明。聽曰：聰。息曰：睿。龔作肅，勿從又明。從肅聰從基，睿從聖。

五事人之性也，其用以敬爲主。敬於五者，則無不敬矣。貌莊曰恭，言順曰從，視遠曰明，聽德曰聰，思

誠曰睿果能此道矣施之於事則動容貌斯遠暴慢矣出辭氣斯遠鄙悖矣與日月合其明與鬼神合其謀至於大而化之則君子之道盡矣惟聖人爲能踐形率性之謂也君子敬以直內所以率性也性之不率不敬敗之也敬之則五者之用可以入於聖人之道不敬則五者逐物而失其所以爲人禮毋不敬盡矣

式八政弋曰食式曰鴈式曰禋三曰司空丕曰司徒六曰司寇七曰圜八曰幣

八政養人之具也食以養生貨以懋通祀以崇本

工以利用教以建德刑以儆戒賓以接物師以禦
亂八政以農爲用農勤於本業也八政之於天下
不可一日無者居之無倦則八政修而人事盡矣
食貨祀賓師五者皆徒言政司空司徒司寇則言
其官而居賓祀之閒者五事分職蓋非一官若治
百工修刑德三卿之任不專則不及於農用矣賓
禮用之接物師旅用以禦亂六事已治而後從之
者也食貨祀之先於官者禮義生於富足生生知
本而後政可爲也後世所以理國弊弊焉疲於食
貨之政理財之任顧爲專官而不思古者井牧其

三百五十八
田四民異業人有常產邦有常度食貨之用其
積無窮不究食貨之源而責難於人宜與古不同
也

三曰紀式曰歲式曰月式曰日三曰星辰又曰曆數
五紀天道以紀人事合乎天道爲協五紀之用是
故積辰爲日積日爲月積月爲歲曆數紀日月之
度以授人時者也歲星十二歲而歷十二次故以
紀歲月三旬而一虧盈故以紀月日一日而一出入
故以紀日星五星也辰經星也星辰錯行日百刻
而十有二次故曰十二辰六十時也曆數數往知

來明天道而授人時者人之所以及時而奉天也
丕皇極皇建丕大極斂眚丕福申專錫年庶民惟眚
年庶民丕女極錫女采極凡年庶民亡大至玃人亡
大炊惠惟皇迨極凡年庶民大繇大爲大守女則忘
止亞叶丕極亞罹丕咎皇則穀止而康而色曰予豈
玃惠女則錫止福眚人所丕惟皇止極亡獻惇獨而
眚高明人止大耐大爲業羞丕行而眚丕昌凡年止
人允富丕馨女亞耐豈大玃丕而家眚人所丕祐丕
丕亡玃惠女雖錫止福丕迨女用咎毋偏毋頗遵王
止誼毋大迨玃遵王止衛毋大迨亞遵王止路毋偏

毋覬王衡蕩蕩毋鄙毋偏王衡步步毋反毋仄王衡
正稟芳元大極歸元大極曰皇極中專兮是彝是言
予帝元訾凡乎厘民極中專兮是言是行呂片六學
中矣曰元學進民父母呂爲元丁王

五中數也皇極大中也大中待人而建八極待皇
極而建也惟大可以建中人受天地之中以生建
中而五福具矣敷錫庶民人人有是中也各設乃
中能者養之以福也淫朋比德逐物而害中者也
無逐物之害大中未始不建凡其所由所爲所守
動而不忘中也乃執中之道也咎失中之害也中

不可以無方執也體中盡變而不可以中議亦無
失中之害此君子之時中而可以大受者大受建
極之本聖人之事也而汝也詩曰天生烝民有物
有則民之秉彝好是懿德汝正容而定辭曰我之
好是德也必能養以有福是人蓋知德而極可見
惇獨之虐高明之畏徇物而遷者也通乎中極之
道明乎一貫之理合己與物不貳其行而何惇獨
之虐高明之畏人能行之進乎是道以合內外則
身修而天下國家可治也富足也穀實也內足而
後有充實之美正人之業必自修始也身不行道

不行於妻子咎惟自廷雖有受中之福不能不敗以取禍矣偏頗也偏黨也反仄也作好作惡也皆害於中者去其害而中道立王義也王道也王路也皆中之著也遵循也蕩蕩大也平平坦也正直無邪曲之見也在易復之彖曰復其見天地之心乎天地之心端不可見一陽反乎六陰之下故天心可得而見夫害則中不可見去其害則中道立矣會其有極建中也歸其有極時中之謂也皇極本不可道可道蓋敷言也敷言皇極之道見之修道之教天道至教不過是也庶民是訓是行則爲

以道事君可以近天子之耿光用是子民所以王天下也君臣交修蓋此道也中天下之大本也和天下達道也天子庶人是人莫不有極也建極之道必先大受大受君子之事也夫大受者不可小知小知極中之害也

六三惠弋曰正果弋曰佑亨弋曰柔亨彖康正果彖亞友佑亨變友柔亨沈潛佑亨高明柔亨惟侯迨福惟辟迨畀惟侯玉食臣亡大迨福迨豐玉食臣亡大迨福迨豐玉食丕害亏而家凶亏而或人隤仄頗辟民用替忒

三德治道之所出也又用三德自治而後人可治也正直中行也剛強也柔順也強不順者理之以剛和而順者理之以柔各循其性而正之強者塞順者立則剛柔之性皆可以成正惠矣友順也變和也沈潛柔道也高明剛道也因其成德之性加之以剛柔相濟則平康正直之道矣詩曰不剛不柔布政優優平康之謂也君法天而德剛臣法地而德柔乾剛坤柔平康正直之誼庶民是則是效者也作福作威君法天之動也君之玉食貴賤之有等也臣之作福作威不法乎地之順也臣之玉

食不循乎貴賤之位也臣而不循乎柔順之道越其貴賤之等下觀而化曾何觀乎平康正直之道淪乎邪放而習乎僭差民不可得而治此大亂之道也治天下者必先正心誠意心正意誠則身修而德至乾剛坤柔之義無所往而不準矣故曰平康正直

七占疑擇建立卜筮人專命卜筮曰用曰渎曰蒙曰圉曰亨曰貞曰卦凡七卜又占用式衍忒立者人徒卜筮或人占則用式人出中女則大疑甚及專心甚及卿士甚及厘人甚及卜筮女則用龜用筮用卿

士初履民初是出胃大同身元康彊學孫元逢吉女
剝初屯初筮初卿士革履民革吉卿士初屯初筮初
女剝革履民革吉履民初屯初筮初女剝革卿士革
吉女剝初屯初筮初卿士革履民革從內吉從外凶
屯筮共箕弓人用彭吉用從凶

龜筮之作所以決人之疑也然疑非明者無以決
之明者非明人事而已又當明於天地之道鬼神
之情而後疑可決也故曰明用稽疑擇建立卜筮
人待其言以占者非明於天之道通於人之理而
察於物之象則何以知鬼神之情論從違之際易

比之繫曰比吉原筮元永貞擇人而建卜筮之元也潤澤曰雨清明曰霽陰暗曰蒙三者以其色占之卦爲驛本卦爲克二者以其兆占皆龜卜之象內卦曰貞外卦曰悔二者易筮之象非此七者而復支離繫衍其論爲差忒於龜不足用也金縢三龜一習吉此三人之占見於經者謀於鬼神之道不可必也立卜筮之人三人占而用其二以多者爲信也決稽之道先稽於心而決謀之大臣次謀之衆人後用龜筮決之五者不期而同謂之大同故占身則身安占子孫則逢吉三從二違皆謂之

吉從多而違小也三違二從則從小而違多矣故
於國中之事爲吉接乎境外爲凶龜筮違人是鬼
神之不從也作凶靜吉不可以有爲者吉凶悔吝
皆生乎動也古人有疑而後謀之卜筮不疑則不
卜矣用事之卜不敢必之於人也謀及卜筮是聽
於鬼神者也鬼神猶聽而況於人乎人從而龜筮
違不敢爲也謀於茫昧杳冥之際瀆之則不敬矣
不必於人而後鬼神之聽不從又何卜乎古人之
於鬼神其已嚴矣命卜筮者令著龜以卜筮之意
而後鑽揲之也卜筮以從多爲吉雖心之謀不棄

於衆聖人捨己從人之際無乎不之用矣

八厘政曰雨曰暘曰炘曰寒曰風曰眚曰者來菴各
呂元敘厘中番庄戈極菴凶戈極亡凶曰休徵曰肅
昔雨菴曰又昔暘菴曰晰昔炘菴曰慧昔寒菴曰聖
昔風菴曰咎致曰徃巫雨菴曰替巫暘菴曰愈巫炘
菴曰急巫寒菴曰蒙巫風菴曰王省惟歲卿士惟月
帝尹惟日歲月日眚亡易百禳用咸又用明峻民用
章家用承康日月歲眚无易百禳用亞咸又用旦亞
明峻民用散家用亞宜厘民惟壘壘十野風壘十野
雨日月出行則大冬大夏月出初壘則呂風雨

庶徵天道也天道高高而在上若無與於人者人事之感天輒應之天人異道而同心不可知也一氣之動疾如影響天人之際其可以致詰乎蓋天得一以清人得一以靈惟德動天隨其凶吉而應非天諄諄之命天人本一道爾聖人謂天道遠人道邇修其在我足以應天人事不修天道亦違人矣存畏天之念用之於人事未嘗須臾離則貞一之道也念用庶證言不可忘也洪範次庶證於九疇之八亦本之人事耳一極備凶違天也一極無凶順天也順天而休徵應五者不失其時雖百草

猶賴以蕃人復何凶之有不能此也咎徵應之五者亢而爲常萬物罹其凶害備凶之驗亦隨人事而已是故離之則五合之則一得之亦一失之亦一五者來備之說一其本也惟狂克念作聖惟聖罔念作狂善言天者必有徵於人此庶徵之來聖人不忘於一念之頃也肅又哲謀聖五者人事之至故其應爲雨暘燠寒風時狂僭豫急蒙五者人道之戾故其應爲五徵之恒人爲之而天順之其要非他一氣之動而已狂不肅也僭不遜也豫不急也急峻也蒙昏也五事不極不足以得天之時五咎

不極不足以得凶之恒世主不知戒於天災求休
徵於俄忽之頃夫人尚不能感而況於天乎王省
惟歲大綱也歲會也卿士惟月紀綱也月要也師
尹惟日庶事也日計也上下相維小大相承天道
應之而四時和歲功成庶績咸熙民變時雍天不
言而四時行惟不失其倫爾修身之教王者所以
明民也師尹庶官之長修庶職以聽於六官者上
逼下爲侵官下援上爲躡職侵官躡職何獨在官
者失職而怠於事人之精力有限將不給於視聽
百度不舉其民化而入於頗僻之域天時不順則

災害從之矣皋陶之歌曰元首叢脞哉股肱隳哉庶事隳哉歲月日時之旣易也庶民惟星星衆而亦著象於天者也天上箕宿主風畢宿主雨故月離畢而雨滂沱月離箕而風揚沙此言庶民之情不可不察日月行乎星次皆有常度日行南道而冬至行北道而夏至日月歲十二會爲十二月之合朔王官之治民事當如是也月從星之風雨民之好惡非卿士無以達之於上而宣之於下維綱月計是皆卿士之職有冬有夏其王綱之歲計乎洪範極言天徵諸人天人之際盡矣合五事五紀

有稽乎庶證察乎天人之際所以一天人也

九又福式曰譽式曰富式曰康寧三曰貞野惠又曰
丁升命六極式曰凶恒折式曰矯式曰憂三曰分又
曰亞六曰弱

五福人之所向六極人之所畏然一繫乎天道非
人之所能爲也因人之所向而使之向之因人之
所畏而以之威之修其在人不敢取必於天洪範
所以嚮用五福威用六極也庶徵尚可以人事驗
福極天道之至可以畏向而不可測知者人之所
向向之其所畏畏之吉凶由人天道其不遠矣洪

範次於九疇之後爲知天道矣雖然皇極之敷言
曰皇建其有極斂時五福用敷錫厥庶民五福在
人固有之矣安仁者壽知足者富守道者寧率性
好德明哲保身而考終命五福惟人之所向由皇
極之建耳傷生者天極情者疾掇患者憂妄用者
貧敗度者惡喪守者弱六極可畏亦皆自取之耳
天道在上而不可見惟人之所向畏因其天材之
篤雖未可必得之多矣君子言天道而一本諸人
事心天君也一正心而天道至矣皇建有極而備
五福一極備凶一極無凶天道昭昭其要在人而

已漢陰陽家以九疇五行配合天地之數雖有稽於易象九章之作豈直數之陳乎牽合之文自有不能通者矣

爻教

惟亨爾遂邁衛于九尺八蠻鹵豕底貢于教大采鹵
廷爻教申警于王曰緝虜明王咨惠三尺咸聞亡大
德徒畢獻亡物惟舩食器申王粵昭惠之致于異姓
卑當亡替手舩分珎玉于柏叔之或昔賁展觀人亞
易物惟惠示物惠盛亞狎侮狎侮商孚它呂盡人心
狎侮小人它呂盡示力亞役耳目百戾惟貞玩人恭

憲玩物舉忠忠臣衛寧子臣衛接亞徙亡莽害大莽
珍粵威亞肖異物賤庸物民粵足犬象非元土性亞
畜珍禽奇畧亞育子或亞瑤遠物剔遠人感所瑤惟
取剔遠人安緝庫殞夷宅或亞勤亞矜紉行矣案大
息爲山九刀珍虧戈簣允迪絃生民采耳屈惟粵丑
土

旅陳也春秋傳曰庭實旅百敖犬高四尺者九夷
東夷之國八蠻南蠻之國武王克商之後莫不底
屬而通貢道於周獨言蠻夷舉其略耳西方絕國
以獒陳獻太保召公因獒陳訓故即以名篇明王

言古之賢君慎德自修也賢君自修而四夷賓服無遠無近底貢方土之物非求之也懷德而來也服食器用爲通用於人者不適於用亦不之貢示之好惡雖四夷之遠亦知實之務矣分異姓以明王德所致使之世修貢職不居戎狄之後以寶玉頒之同姓不敢私也用示親親之恩共守先王之寶爾周之分器見於傳者若魯之大路大旂夏后氏之璜封父之繁弱衛之大路少帛績蒺旃旌大呂皆展陳者陳肅慎之貢矢昭德之致也夫器待人而重人以德守之非其人而有是器其不緣器

而重也決矣盛德之主其不狎侮人者玩人喪德
知慎德之道也君子之玩百姓何觀所以失遠近
之心小人之玩怨怒作矣而何力之能盡非徒此
也志玩乎物亦將逐物而失本心矣志非道則不
安言非道則不接定志接物而不離於道德之至
也天之生物也有數人之爲力也有限作無益以
害有益貴異物而賤用物則民遷於末作心力用
之而分於此不爲則功成而民用足矣犬馬非土
性不育珍禽奇獸不育於國皆失其性而無益也
遠夷貪利之國也與之爭利則遠夷慮患而不服

不寶遠夷之物所以懷德而來邇人待上而安所以安之尊賢而已賢尊教明而衆修其行近者悅而遠者來矣夙夜之勤勤於德也一行虧而百行隳勿以小惡爲無傷也九仞之山而乏一簣之土不足於九仞猶掘井九仞而不及泉猶爲棄井矣誠順茲道所以安民而世有天下遠物非所貴也功成之主自以得之之易往往悉力於遠充其好大喜功之心遠物之來乃所以啓之也周之昭穆秦之始皇漢武帝梁武帝隋煬帝唐太宗明皇皆由此作有天下者之大戒也太保因西旅獻獒而

陳慎德之訓及於分器之說至於犬馬禽獸之不
育於國終以不寶遠物所寶惟賢則遠人格而邇
人安遂謂九仞之山少一簣而功隳以戒持盈明
進德之罔小是乃萬世守成之法豈一時之作乎
其戒武王則然況不及武王者

金縢

元亨爾式季王十赧亞念式公曰哉元爲王敷卜周
公曰未可呂憾哉先王公專自呂爲形爲式壇同墀
爲壇于峯亡北面周公立焉植璧秉珪粵告大王王
季友王史卣筮祝曰惟尔元孫某華厲獻爾若尔式

王是才丕孚山責于矣且代某山身子志若于耐
多材多執耐豈魄禮也元孫亞若且多材多執亞耐
豈魄禮也命于帝庭專右三匹用耐立介孚孫于丁
暨三匹山民宅亞祗豈緝虐亡隊矣山各瑤命我先
王亦冒才公歸今茲即命于元龜介山許茲茲元且
璧與珪歸祀介命介亞許茲茲也屏璧與珪也介
龜式習吉后篇見書也并是吉公曰體王丕宅害予
小學新命于武王惟冒并是國絲也祀耐念予式人
公歸也內篇于金縢山匱中王翌日也瘳
金縢鑲金也占書論天道而不及人事不可以訓

故先王祕藏於金縢之匱不以示人周人發匱而
占并藏其冊於匱是爲卜占故事非有意於藏也
書敘謂金縢周公之作以冊言也克商後二年武
王之十三年或十五年也愈古愈字有疾而不時
愈諸公所以懼而圖卜也二公太師太公太保召
公也穆敬也周公謂未可感我先王不可徒卜也
不與二公同事即自以爲功也墀壇域也璧以禮
神珪以自執自立於南方北面則三王之壇在北
也冊簡書也史讀冊者也祝以告神元孫蓋嫡孫
也某武王名不稱發者臣不可以名其君於冊而

亦不敢沒之於廟古人之忠敬也遘遇也厲虐危殆也不子長子之大也謂天將取三王長大之子則周公固可以代武王也予仁若考言年德之俱至又多材能技藝乃元孫將不給於鬼神之事既受天命以安天下盛德之至可以世王下土傳爾三王之後疾之危殆人心懼矣周公自以年德材藝所以事神賢於武王武王曾無四者之賢不可以共臣僕之事然其盛德之至天下賴以安集此無周公可也武王不可無也武王而死則周之爲周末可知也天之降命旣緣武王而墜則三王之

祀亦無主矣孔子謂多能爲鄙事不貴周公之材
周公自以材藝賢於武王亦此意也卜之命龜謀
鬼神之道也其以璧珪俟命吉凶爲可信也屏珪
璧而藏之亦不遑寧處也三龜三人占之也一習
二龜之兆同也二龜之兆同吉其一未辨啓鑰占
驗則二兆皆吉矣周禮占人凡卜筮君占體周公
觀體則知王之無害且三王命龜之意亦不以周
公代之直欲君臣共爲永圖以終周道故退而俟
命知三王之顧念武王而待其有瘳耳納冊匱中
并占書藏之耳易稱大人與天地合其德鬼神合

其吉凶觀周公之作金縢爲與於天地鬼神之道
矣知壽天之不貳知至誠之感神不言命而誠是
求不愛身而愛天下精誠之至天道順之王卒有
瘳爲自作元命矣後世未究於精誠之學動輒委
諸天命人道不至其何以知天乎金縢惻怛之爲
周公真知天也

武王无蓍管筭及元羣弟匄汭于成曰公將亞
移雍孺孚周公匄告成公曰成王亞辟成亡呂告成
先王周公居東成季劓臯人所尋于後公匄爲誅呂
台王名也曰鴟鴞王亦未教誚公秋大錦未穫天大

雷震呂風禾盡匿大木所拔畝人大忌王與大夫盡
弁呂君金滕出書專尋周公所自呂爲玠代武王出
說武公及王專問彬史與百執豈對曰伯惠公命我
勿教王執書呂泣曰元勿有卜咎公勤勞王家惟
予沖人亞及知今天獲豈呂彰周公出惠惟朕小子
元窺革莪或冢祀亦寫出王出郊天專兩反風禾則
盡犯武公命畝人凡大木所匿盡犯而墜出歲則大
鉅

管叔鮮周公兄也羣弟蔡叔度霍叔處也所謂三
監也殷之舊都跨河南北武王殺紂立武庚分三

叔以監殷民故謂之三監管今鄭州管城縣蔡蔡州上蔡縣霍晉州霍邑縣三叔爲方伯連帥所以監諸侯者黃帝置左右監監於萬國於周爲二伯之任而九州之牧亦爲之監周官所謂建其監也舊說三監謂邶庸衛而管蔡武庚尹之以金縢考之蓋皆叛於所封不在武庚之所也霍在冀州則霍叔冀牧周穎湛爲荊川蔡在汝濱則蔡叔荊牧波滢爲豫浸則管叔豫牧也滢今在蔡水水經作沙音蔡其故道至義陵入淮武王崩而成王幼周公攝政古之道也三監謂周公將害孺子蓋欲激

其所監殷民與之爲亂其挾武庚而動正可知也
成王方惑流言之聽周公遽爲東征以京師付二
公與周大夫無王室之憂矣王不已知而猶不憂
王室則周之王官皆極一時之選流言之惑其能
久乎周公自謂不親行法則無以見先王東方之
憂不可忽也居東三年而後克成王亦知前日之
過其平東諸侯寧王室非以力服人也罪人斯得
脅從亦不治矣鴟鴞之詩曰鴟鴞鴟鴞旣取我子
無毀我室恩斯勤斯鬻子之閔斯迨天之未陰雨
徹彼桑土綢繆牖戶今汝下民或敢侮予予手拮

据予所捋荼予所蓄租予口卒瘁曰予未有室家
子羽譙譙予尾脩脩予室翹翹風雨所漂搖予維
音嘒嘒詩序以爲周公救亂之作求之所書蓋東
征之後也東征之後而猶以詩救亂王心未正則
亂生猶未已也鴟鴞惡鳥也旣取我子以語前日
之亂無毀我室懼亂生之轉甚也念鬻子之勤閔
則思保後之計未陰雨而塗牖戶爲備之有素矣
然猶或敢侮慢況無室乎今我手之拘孥以有捋
荼之苦蓄租之勞口病而不得言其故何也無室
家之故爾辭之於鳥羽毛之顛顛可憐者必其巢

爲風雨之敗曉曉之叫豈得已耶然則所謂室家
蓋歸宿之地也成王未知圖安之道故託言前日
之亂而救之於未然夫浮議之能動人以人心之
無立也室家成矣何風雨之患邪惡鳥之戕亦無
自而來矣誚責也未敢誚公疑之而未決也雖於
公無責言之失然終不能釋然也疑而能詳復如
此豈有不明之事居東未復實有待乎王之自悟
二公素知周公之事而未可以口舌辨故因天災
之至以禮導王穆卜發金縢而得周公之策則王
之心固已感動諸史百官又謂周公令勿以告則

周公之至爲不得已於攝王之政矣二公與周大夫初不以周公之素告王必使王之自悟古人致君之道豈徒爲朝夕之計哉周公居東而不疑是亦伊尹放王之道也成王執書以泣感之至矣懼災而卜知其所以動天則不卜而知懼古人之於卜筮其不苟也如此新逆所以迎周公者不敢用前日之意我國家謂朝廷之禮也遣使迎公而王出郊以送所謂禮亦宜之者也反風之應可以言天道矣反風世有之矣偃禾之起蓋未之聞也大木所拔亦言禾也木偃之禾而築之亦熟三公輔

相之際曲成天意之所存矣周公初作金縢之策
烏知後有流言之事成王見災而懼亦豈有意金
縢之說精誠之感若合符契天之變見諄諄應之
至誠感神非一朝一夕之故也天地感動於積年
之後豈不昭昭矣乎成王幼未有知其能見災而
懼一覩周公之策立知天意所在爲之罷卜即日
至郊周公所以悟王二公所以輔導成德之至其
視流言惑亂之日遠矣世之論致君者皆取於伊
周之道顧以爲諱而卒不能成君德性之所長付
之無可柰何蓋亦不思耳矣孟子以吾君不能謂

之賊其知伊周之道乎周公故邑皆在鳳翔天興縣

大冢

王若曰繇大冢亦多蚩越亦馭豈亞弔矣各創于戎
冢亞少延憐惟戎幼冲人尋亡畺大厯舩亞船詰迪
民康狄曰元大耐哉知矣命已予惟小學若夢困水
予惟筵求舩直滄專責專責人寂命茲亞忘大形予
亞教閉于矣各豐申寧王遷戎大瑤龜繫矣明即命
曰大大難于鹵土鹵土人亦亞彰越茲載殷小填延
教紀元叙矣各豐知戎或大些民亞康曰予復反鄙

戎周蚩今載今翌日民獻十十夫子翊呂考救寧武
圉彤戎十大耄休朕乚并吉歸予告戎友蚩商越尹
氏屨士馭耄曰予曷吉乚予惟呂丕屨蚩考伐殷逋
羽臣丕屨蚩商越屨士馭耄宅亞反曰耄大民亞彭
亦惟聖王宮蚩商室粵予小學考翌亞可延王害亞
莫乚歸予沖人臬恩耄曰緹庠允載翼寡哀才子船
矣役遷大投耄考朕身粵予沖人亞印自卹誼丕蚩
商粵丕多士尹氏馭耄媛予曰亡誌考卹亞可亞威
粵寧考圉彤已予惟小學亞教替上帝命矣休考寧
王興戎小蚩周寧王惟巾庠亨媛最纛命今矣元眚

民弼亦惟卜申繹庠矣明眚攷或不丕

繇若也大告布告也庶士多士諸臣也尹氏師尹之官也大告諸侯并其臣下即名篇之義也弗弔不至也降割大創也不少延洪武王之年此天道不至而降喪于周也已發語辭沖幼也幼沖人成王自稱無疆歷服天之歷數也不至哲順未知所以安民況王命之難知其何以知之也是故恐若涉淵將求康濟之道厚自修飾以大先王受命之功武王之喪不可揜也寧王武王號下所謂寧武寧考寧人者皆武王也武王繼天命而受命卜子

孫之祚命有將作難于東國者而西土之人亦有不靜此言武庚之亂三監將趣和之武王已知其然無能爲也西土周也由東國言之也蠢動也腴厚也今日之亂果符於武王之卜以武庚之不厚乃敢紀殷之敘者因我國有大禍民不寧處乃曰我將復起反以周爲鄙暴之國動之明日民之賢者乃有十人贊我以撫圖寧王之功大事指言用兵卜之并吉謂十人之謀而卜之亦吉也以此決志告諸侯以東討彼殷之逋逃播越之人臣豈能出我所卜而爾多方反以爲難之大民之不靜

謂自我出我當考求自敬不可加兵於彼反以我
卜爲妄而爲何不違之武王猶前卜知殷難之興
今豈不能卜知其敗故我長思此亂鰥寡遭之爲
可哀役由天討而興實惟以天以是患遺我我猶
不我自恤在爾庶邦之義當以無恤安我而勉我
以武王之事今我不敢廢天之命役不可已且天
眷佑先王起小邦而有天下亦惟卜之受命天今
佑民以討殷亂況亦命於吉卜豈非天威明著輔
我之大業者用之征伐豈不宜哉武庚亂而征之
固其宜也大誥之作首言龜卜之驗似非征討之

義茲實周公用兵深意固加詳也武庚之亂自武
王之卜而世固已知之武庚之用其民亦以是卜
爲證周公明前卜之驗申今卜之可信以此動衆
固所以用之也聖人之兵固有必勝之道隨機應
變亦人情而已也救撫也畀畏也恤憂也予小子
王者在喪之稱也害何也叩我也

王曰丕惟舊人丕丕亨獲眚丕知寧王若勤才矣閔
戕戕威珎所予亞教亞極卒寧王國事歸予大愧誘
戕友蚩商矣棐忱晷丕予戕民予害丕亞于毒寧人
國珎貞矣亦惟用勤戕戕民若大戕予害教亞于

齊寧人貞叢休威

舊人謂其嘗事武王既爲舊人宜有遠見先王之勤勞事當備知之天道之不可推者謂之閉武庚之亂非周之所宜有所謂閉也夫天之閉欲使我知畏而有成功之地則我何可不卒先王之業今誘多方而不用威罰實以大化使之天輔我誠必考於民而後我聽天之勤畏我衆亦若人之有疾吾爲先王之世其可不虔天意終畢先王之功以此感動舊人將以動其心耳大化之誘能加此乎閉閉也隸輔也忱誠也周書自大誥後一篇之內

而屢稱曰王者申言之也

王曰若咎朕丕逝朕之難日思若乃徙室无底金乎
孚鹵亞肯坐張同構卑父蓄卑孚鹵亞同羽張同獲
牛乃翊元同曰予大後亞弃丕翳予害哉亞越印救
宣王大命若兄乃鹵大友伐卑孚民教丕勸亞救

昔昨也如昨之意其行已久由日思艱大之言故
爲反覆詳究辭父作室已有成算而子堂之不建
室將安結又如耕作子猶播之不繼況成而穫父
之敬謀田宅其肯自謂子孫將無弃此基業以此
當知先王所以望吾子孫之意不可不及吾身撫

先王之大命終畢其功且父兄之友朋攻伐父兄之子爲之臣隸將以父兄之故勸其伐而不救其子乎抑以父兄之故而其子之云救乎此以武王辟諸父兄成王爲父兄之子諸侯爲父兄臣隸商人爲父兄之友喻以天倫之義以解諸侯之惑則周公之征伐武王之效命皆所當務不可得而已者構結架也蓄耕治也播下種也穫收刈也

王曰緝虜歸才介屢畝商越介馭豈與畝繇抵亦惟十人迪知上帝命越天棐忱介肯它啟易金張今元斧猷于周畝惟大難人挺以胥伐于卑室介亦亞知

天命亞易子芻忘曰天惟蓂殷若壽夫子害教亞
舛晦天亦惟休于壽寧人子害元極日教亞于勿衛
寧人十指疊土改今日并吉歸舛挺呂介東延天命
亞替日教惟若茲

肆恣也肆哉以諸侯之論爲恣而非法也與明也
明國有賢乃有十夫能知天意所在豈非天輔我
誠爾亦何敢慢天之法今周有大災害彼大作難
之人與其強鄰共伐爾室爾亦安得不知是事且
天命之不可易我永思之天將以我治殷如農夫
之去莠則何敢不終我畝天之寵我寧王則有元

龜之兆在我安能窮此卜事既爲天之休命其敢
不從以循前人撫疆域之所至況今卜之又吉故
東征而不疑天命無有僭差卜之所陳如此觀於
先王之卜可以決知今卜之驗前卜之信今卜豈
不信乎卜之所陳蓋天降命云爾三監之起此王
法之當誅而不可緩者觀於大誥之語蓋周公東
征而諸侯不以爲善寧以天下久苦紂亂厭於用
兵以爲武庚無能賴三監爲之助觀周室之仁義
謂可修敬而服是乃習於仁義之說不通其變周
公自以我之不辟不可以告我先王則其東征之

初衆人固不識矣以大誥之哀念鰥寡不卬自恤
東征之役其可緩邪大誥以卜明民而斷以十夫
子翼十夫素爲天下信其一時之望乎

敬孚山命

王若曰繇殷王元孚惟乂古宥惠爲馭統承先王攸
丕礼物筵圖于王豕與或咸休甯亡窮解虔專祖
威湯亨烝聖廣困皇矣眷右挺衆身命攸民呂寬除
丕袞獻珍加于昔惠來後裔亦惟踐攸身繇舊大令
眷憲眷亨孝肅龔神人予嘉專惠曰竺亞忘上帝昔
歌丁民祗叶肅建亦于上公帑絃東憂欽才建專專

言咎咎舛命衛繇箕冀呂蕃王室弘曷劉祖律曷大
民冒媛耳位毗予弋人忝忝言惠万苗廷式界戎大周
亡數辟庫廷才惟休亡替朕命

元子嫡子也稱之子賜之命謂宜爲殷後也微子
爲商世嫡固矣紂已越次而立代殷之治不可易
也故因武庚之叛更封殷後以正商祀先王之於
前代已然之事其不好爲異論如此崇德尊義也
象賢繼世也考古崇德之意故傳後以象前人之
賢先王國雖已亡猶世其統使修治其禮樂而無
廢墜於後萬世得以有考天子待以客禮不敢臣

也國不廢絕先王之後而先王之禮樂不失其傳
與國咸休俱有無窮之美也不名微子亦不臣之
義也齊一也淵深也齊聖廣淵湯以此德格天而
受命者行其寬政除夏桀之邪虐功見於當時德
流於後世者爾能修行其道休美夙聞恭謹全身
克終孝道齋以祀神敬以臨下故我謂爾之德篤
而不已可以享上帝可以和庶民故命爾爲上公
正此東方之國訓以施教汝賢宜布此論服命建
官之事不可輕者循典常以修乃政所以懋王室
之治進乎成湯之道安國治民之本也身安國治

而後可以毗助王化後世仰爾之德天下惟爾之法而王室賴以無厭此我命爾以休美之道不可易也武庚初誅而立微子於宋成王周公急於存商如此微子之命初無一語及於商亡與武庚之所以誅其論成湯亦不言代桀之事重傷微子之意可謂慎矣告戒之語緩不迫切可以想知微子之德先王不臣之禮矣書序命微子代殷後商之亡也微子固不立當微子之去商人知商之滅武庚之立固其理也求於商書去商之始微子固以存商自任父師之告亦以商祀責諸武庚之亡

卒爲商後古人慮事之遠出處之際未易輕論其德爲可知也初武庚之立仍居朝歌微子更封宋公其國在應天府宋城縣亦商故地亳都之圻內也

書古文訓卷第八

後學 成德 校訂